

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za privredu, Vlada Zeničko-dobojskog kantona, na 110. sjednici, održanoj dana 22.06.2021. godine, d o n o s i

**ZAKLJUČAK**  
**o prihvatanju Informacije o koncesijama**  
**na području Zeničko-dobojskog kantona za 2020. godinu**

**I.**

Prihvata se Informacija o koncesijama na području Zeničko-dobojskog kantona za 2020. godinu, Ministarstva za privredu/gospodarstvo kao obrađivača, koja čini sastavni dio ovog Zaključka.

**II.**

Informacija iz tačke I. ovog zaključka upućuje se u dalju skupštinsku proceduru.

**III.**

Zaključak stupa na snagu danom donošenja.

Broj: 02-14-8889 /21  
Datum, 22.06.2021. godine  
Zenica

**DOSTAVLJENO:**

Ministarstvo za privredu,  
 Stručna služba Skupštine,  
 a/a.





*M. D. M.*  
*Š. K.*

**INFORMACIJA O KONCESIJAMA**  
**NA PODRUČJU ZENIČKO-DOBOJSKOG KANTONA**  
**ZA 2020. GODINU**

Zenica, maj, 2021. godine



**INFORMACIJA O KONCESIJAMA  
NA PODRUČJU ZENIČKO-DOBOJSKOG KANTONA  
ZA 2020. GODINU**

**UVOD**

**1. DODIJELJENE KONCESIJE DO 2020. GODINE**

1.1. Dodijeljene koncesije na istraživanje i eksploataciju čvrstih mineralnih sirovina do 31.12.2020. godine

**2. DODJELA KONCESIJA U 2020. GODINI**

2.1. Dodjeljene koncesije na istraživanje i eksploataciju čvrstih mineralnih sirovina u 2020. godini

2.2. Dodjela koncesija u postupku

**3. KONCESIJE NAKNADE U 2020. GODINI**

3.1. Jednokratne koncesione naknade u 2020. godini

3.2. Kontinuirane koncesione naknade u 2020. godini

**4. PRIHODI IZ KONCESIONIH NAKNADA U 2020. GODINI**

4.1. Prihodi od jednokratne koncesione naknade u 2020. godini

4.2. Prihodi od kontinuirane koncesione naknade u 2020. godini

4.3. Ukupni prihodi od koncesione naknade u 2020. godini

4.4. Alokacija koncesionih naknada po općinama Kantona u 2020. godini

**5. RASHODI IZ KONCESIONIH NAKNADA U 2020. GODINI**

5.1. Program utroška budžetskih sredstava od koncesija u 2020. godini

5.2. Realizovana sredstva shodno Programu utroška budžetskih sredstava od koncesija u 2020. godini

**6. ZAKLJUČAK**

## UVOD

U skladu sa Programom rada Vlade Zeničko-dobojskog kantona za 2021. godinu i Programom rada Skupštine Zeničko-dobojskog kantona za 2021. godinu, Ministarstvo za privredu/gospodarstvo (u daljem tekstu: Ministarstvo) je sačinilo Informaciju o koncesijama na području Zeničko-dobojskog kantona za 2020. godinu.

Oblast koncesija uređena je zakonima o koncesijama:

- Zakon o koncesijama Bosne i Hercegovine („Službeni glasnik Bosne i Hercegovine“, broj: 32/02),
- Zakon o koncesijama Federacije Bosne i Hercegovine („Službene novine Federacije Bosne i Hercegovine“, broj: 40/02 i 61/06) ,
- Zakon o koncesijama Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 05/03).

U skladu sa navedenim, nadležnosti Kantona u oblasti dodjele koncesija su slijedeće:

### 1. istraživanje i/ili eksploatacija:

- energetskih mineralnih sirovina (ugalj)
  - metalnih i nemetalnih mineralnih sirovina iz primarnih i sekundarnih ležišta,
  - svih vrsta soli i solnih voda,
  - ljekovitih, termalnih i mineralnih voda i izvorišta prirodnih voda za piće,
2. korištenje vodotokova i voda od interesa za Kanton,
  3. izgradnja i/ili korištenje hidroakumulacija od interesa za Kanton,
  4. izgradnja i/ili korištenje hidroenergetskih objekata snage ispod 5 MW,
  5. korištenje građevinskog zemljišta,
  6. korištenje poljoprivrednog zemljišta,
  7. javni linijski prijevoz osoba,
  8. lovstvo i ribolov,
  9. hoteli i ostali turistički objekti,
  10. vodosnabdijevanje gradova i naselja,
  11. snabdijevanje toplotnom energijom i zemnim gasom gradova i naselja,
  12. čišćenje gradova i odlaganje čvrstog otpada,
  13. kanalizacioni sistemi.

U nadležnosti Ministarstva za privredu/gospodarstvo su slijedeći predmeti koncesija:

- energetske mineralne sirovine (ugalj),
- metalne i nemetalne mineralne sirovine iz primarnih i sekundarnih ležišta,
- hoteli i ostali turistički objekti.

Ministarstvo do sada nije imalo zahtjeva i nije dodijelilo ni jednu koncesiju za hotele i ostale turističke objekte.

Obavljanje djelatnosti istraživanja i eksploatacije energetskih mineralnih sirovina (uglja) i istraživanja i eksploatacije metalne i nemetalne mineralne sirovine iz primarnih i sekundarnih ležišta uređeno je zakonima, i to:

- Zakon o geološkim istraživanjima Zeničko-dobojskog kantona („Službene novine Zeničko-dobojskog kantona“, broj: 8/12),
- Zakon o rudarstvu Zeničko-dobojskog kantona („Službene novine Zeničko-dobojskog kantona“, broj: 10/12).

# 1.DODIJELJENE KONCESIJE NA ISTRAŽIVANJE I EKSPLOATACIJU ČVRSTIH MINERALNIH SIROVINA DO 31.12.2020. GODINE

## 1.1. Dodijeljene koncesije na istraživanje i eksploataciju čvrstih mineralnih sirovina

Tokom proteklog perioda u skladu sa Zakonu o koncesijama Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 05/03), domaći i strani investitori su pokazali interes za dodjelu koncesija na istraživanje i eksploataciju čvrstih mineralnih sirovina, kako metaličnih tako i nemetaličnih. To su bili samoinicijativni zahtjevi (uz javno oglašavanje) i odnosili su se na istraživanje i eksploataciju mineralnih sirovina krečnjaka, dijabaza, fliša, dolomita, spilita, glina, lapora, roznaca, gabra, kvarenog pijeska itd., metaličnih mineralnih sirovina olova-ceruzita, cinka, barita, te istraživanje i eksploataciju uglja.

Kako postupak dodjele koncesije obuhvata pribavljanje niza stručnih mišljenja i saglasnosti, te obavezno raspisivanje Javnog poziva, proces do potpisivanja ugovora o koncesiji je relativno dug (minimalno šest mjeseci).

Poseban problem, posljednjih godina je bilo nepostojanje Zakona o šumama FBiH.

Zaključno sa 31.12.2020. godine, potpisana su ukupno 26 ugovora o koncesiji za istraživanje i eksploataciju čvrstih mineralnih sirovina.

Neki od ugovora su raskinuti, a neki su u fazi pripreme za realizaciju koncesionih projekata (istraživanje i eksploatacija mineralnih sirovina).

Pregled koncesionara (istraživanje i eksploataciju mineralnih sirovina) dati su u Tabeli 1.

**Tabela 1. Pregled koncesionara (istraživanje i eksploatacija mineralnih sirovina)**

R. br.	KONCESIONAR SJEDIŠTE	LOKACIJA LEŽIŠTA	PREDMET KONCESIJE	UGOVOR – BROJ I DATUM
1.	„TVORNICA CEMENTA “KAKANJ” d.d. Kakanj	„Greiben“ i „Ribnica“ – Kakanj	Istraživanje i eksploatacija laporca	KC 001/2000 12.09.2000.
2.	„IGM“ d.d. Visoko	„Golo brdo“ - Visoko	Istraživanje i eksploatacija opekarske gline	KC 002/2001 30.01.2001.
3.	„MGV - GRADNJA“ d.o.o. Zavidovići	„Sokolica“ Zavidovići	Istraživanje i eksploatacija krečnjaka	KC 004/01 22.05.2001.
4.	„RUDNIK KREČNJAKA “BREZA”d.o.o. Breza	„Nedići“ – Breza	Istraživanje i eksploatacija krečnjaka	KC 006/02 19.04.2002.
5.	„BBM VAREŠ“ d.o.o. Vareš	„Stijene“ – Vareš	Istraživanje i eksploatacija krečnjaka	KC 08/02 17.05.2002. Aneksi I i II 09.09.2002. i 13.09.2003.
		„Kota“ – Vareš	Istraživanje i eksploatacija krečnjaka i spilita	KC 08/02 17.05.2002. Aneksi I i II 09.09.2002. i 13.09.2003.
6.	„E&P“ d.o.o. Zavidovići	„Ribnica“ – Zavidovići	Istraživanje i eksploatacija dijabaza	KC 18/06 26.04.2006.

R. br.	KONCESIONAR SJEDIŠTE	LOKACIJA LEŽIŠTA	PREDMET KONCESIJE	UGOVOR – BROJ I DATUM
7.	„SANEX“ d.o.o. Breza	„Nezirov Gaj“ Breza	Istraživanje i eksploatacija pijeska	KC 20/2007 23.04.2007.
8.	„CESTING“ d.o.o. Žepče	„Papratnica“ Žepče	Istraživanje i eksploatacija dijabaza	04-18-23400-1/08 od 19.10.2009. godine
9.	„LIBOS“ d.o.o. Žepče	„Kuluk“-Begov Han	Istraživanje i eksploatacija dijabaza	04-18-367-6/09 11.12.2009.
10.	JP Elektroprivreda BiH ZD RMU „ZENICA“ d.o.o. Zenica	„Veliki gradac“ Moščanica - Zenica	Istraživanje i eksploatacija krečnjaka	04-18-12111-1/10 21.09.2010.
11.	„AMINA TRADE“ d.o.o. Sarajevo	„Paska Luka“ – Olovo	Istraživanje i eksploatacija krečnjaka	04-18-20939-1/12 16.11.2012.
12.	„GEOMET“ d.o.o. Olovo	„Očekalj“ i „Prgoševo“ Olovo	Istraživanje i eksploatacija ceruzita	04-18-15242-1/12 20.07.2012.
13.	„DIM KAMENOLOM“ d.o.o. Žepče	„Ograjna“ – „Željezno polje“ Žepče	Istraživanje i eksploatacija dijabaza	04-18-20940-1/12 30.01.2013.
14.	„TRGOŠPED“ d.o.o. Kakanj	„Borovačke stijene“ Kakanj	Istraživanje i eksploatacija krečnjaka	04-18-397-9/03 od 01.10.2003. 04-18-2734-1/11 od 26.05.2011.
15.	„ŽGP“ d.o.o. Zenica	„Široke stijene“ Zenica	Istraživanje i eksploatacija krečnjaka	04-18-15802-1/13 28.08.2013.
16.	„KOMGRAD – ZE“ d.o.o. Zenica	„Crkvice – Kamenolom“ Zenica	Istraživanje i eksploatacija krečnjaka	04-18-15802-1/14 17.12.2014.
17.	„ABLE INVESTMENT“ d.o.o. Sarajevo	„Morava – Krivodol“ – Župča – Breza	Istraživanje i eksploatacija krečnjaka	04-18-7636-1/16 24.05.2016.
18.	„EASTERN MINING“ d.o.o. Sarajevo	Osnovno polje je „Veovača 1- Veovača 2“ „Rupice- Juraševac- Brestić“ Vareš	Istraživanje i eksploatacija olova, cinka i barita i pratećih plemenitih metala	04-18-21389-1/13 12.03.2013.
	„EASTERN MINING“ d.o.o. Sarajevo	Prvo proširenje koncesionog polja na ležištu „Rupice-Borovica“ i „Veovača-Orti-Selište-Mekuše“ Vareš	Istraživanje i eksploatacija olova, cinka i barita i pratećih plemenitih metala	04-18-21389-3/18 14.11.2018.



R. br.	KONCESIONAR SJEDIŠTE	LOKACIJA LEŽIŠTA	PREDMET KONCESIJE	UGOVOR – BROJ I DATUM
	“EASTERN MINING“ d.o.o. Sarajevo	Drugo proširenje koncesionog polja na ležištu „Orti-Selište-Mekuše-Barice-Smajlova šuma-Maćak“, „Droškovac-Brezik“ i „Borovica-Semizova Ponikva“, Vareš	Istraživanje i eksploatacija olova, cinka i barita i pratećih plemenitih metala	04-18-14461-1/20 03.12.2020.
19.	“AB-TRANS” d.o.o Tešanj	“Trebačko brdo” Tešanj	Istraživanje i eksploatacija krečnjaka	04-18-12263/19 20.07.2020.
20.	Rudnik mrkog uglja “KAKANJ” d.o.o. Kakanj	Područje općine Kakanj	Istraživanje i eksploatacija mineralne sirovine mrkog uglja	04-18-8474-9-1/20 28.12.2020.

## 2. DODJELA KONCESIJA U 2020. GODINI

### 2.1. Dodjeljene koncesije na istraživanje i eksploataciju čvrstih mineralnih sirovina u 2020. godini

U 2020. godini potpisana su dva ugovora o dodjeli koncesija za istraživanje i eksploataciju čvrstih mineralnih sirovina i jedan aneks na ugovor o koncesiji za proširenje istražno-eksploatacionog polja.

#### “AB-TRANS” d.o.o Tešanj


Aktom, broj: 04-18-6910/18 od 01.08.2018. godine, Ministarstvu za privredu Zeničko-dobojskog kantona obratilo se privredno društvo “AB-TRANS” d.o.o Tešanj, sa zahtjevom za pokretanje procedure dodjele koncesije za istraživanje i eksploataciju krečnjaka na lokalitetu “Trebačko brdo”, općina Tešanj.

Ministarstvo za privredu ZDK uputilo je Zahtjev Općinskom vijeću i Načelniku Općine Tešanj, broj: 04-18-6910-2/18 od 11.10.2018. godine, za dostavu Saglasnosti Vijeća za dodjelu koncesije za istraživanje i eksploataciju mineralne sirovine krečnjaka na lokalitetu “Trebačko brdo”, općina Tešanj.

Općinsko vijeće Tešanj dalo je Saglasnost za mogućnost dodjele koncesije za istraživanje i eksploataciju mineralne sirovine - krečnjaka, broj: 01-49-2-2888-4/18 od 28.12.2018. godine.

Na osnovu pribavljenje dokumentacije, Komisija za kocesije utvrdila je da za dodjelu koncesije na istraživanje i eksploataciju mineralne sirovine krečnjaka, postoji javni interes, te je predložila da Ministarstvo za privredu pokrene proceduru donošenja Odluke Vlade Kantona o pristupanju provođenja procedure dodjele koncesije za istraživanje i eksploataciju krečnjaka na pomenutom lokalitetu i po utvrđenim kriterijima.

Na osnovu toga, Ministarstvo za privredu je predložilo, a Vlada Kantona donijela Odluku o pristupanju provođenja procedure dodjele koncesije za istraživanje i eksploataciju mineralne sirovine - krečnjaka na lokalitetu “Trebačko brdo”, općina Tešanj, broj: 02-18-7742/19 od 07.05.2019. godine.



Shodno navedenoj odluci, Ministarstvo za privredu je raspisalo Javni poziv za prikupljanje ponuda za izbor najpovoljnijeg ponuđača – koncesionara za dodjelu, koji je objavljen 17.05.2019. godine u listu “Oslobođenje“.

Na Javni poziv pristigla je jedna ponuda i to od privrednog subjekta “AB-TRANS” d.o.o. Tešanj.

S obzirom da je ponuđač, “AB-TRANS” d.o.o. Tešanj, ispunio opće i posebne uslove, koji su navedeni u Javnom pozivu, Komisija je konstatovala da su ispunjeni svi uslovi za nastavak postupka dodjele koncesije.

Na osnovu svih podataka, Ministarstvo za privredu predložilo je Vladi Kantona da usvoji prijedlog Odluke o dodjeli koncesije. Vlada Kantona donijela je Odluku o dodjeli koncesije za istraživanje i eksploataciju krečnjaka na lokalitetu “Trebačko brdo”, općina Tešanj, broj: 02-18-10705/19 od 28.06.2019. godine.

Zbog naknadno uočene greške u koordinati prelomnih tačaka, na prijedlog Ministarstva za privredu Vlada Kantona donijela je Odluku o izmjeni Odluke o dodjeli koncesije za istraživanje i eksploataciju krečnjaka na lokalitetu “Trebačko brdo”, općina Tešanj broj: 02-18-12263/19 od 01.08.2019. godine.

Koncesionar je prije potpisivanja Ugovora o koncesiji, između ostalog, dostavio:

- Uplatnicu za jednokratnu (fiksnu) koncesionu naknadu za istražno-eksploatacioni prostor u iznosu 33.000,00 KM,
- Radi obezbjeđenja urednog plaćanja koncesione naknade, ovjerenu mjenicu sa mjeničnom izjavom na iznos 26.000,00 KM.

Nakon obezbjeđenja svih navedenih uslova te pribavljanja mišljenja Kantonalnog pravobranilaštva na prijedlog Ugovora, broj: M-70/19 od 15.10.2019. godine, Ugovor o koncesiji zaključen je 20.07.2020. godine.

### **Rudnik mrkog uglja “KAKANJ” d.o.o. Kakanj**

Zahtjevom za dodjelu koncesije na istraživanje i eksploataciju mineralne sirovine – mrki ugalj na području općine Kakanj, Ministarstvu za privredu Zeničko-dobojskog kantona se obratio privredni subjekt Rudnik mrkog uglja “KAKANJ” d.o.o. Kakanj.


Nakon zahtjeva za dopunu podneska, privredni subjekt je dostavio Studiju ekonomske opravdanosti dodjele koncesije, koja je usklađena sa zahtjevom Načelnog sadržaja.

Ministarstvo za privredu Zeničko-dobojskog kantona zatražilo je od Općinskog vijeća Kakanj Saglasnost za dodjelu koncesije na istraživanje i eksploataciju mineralne sirovine - mrki ugalj na području općine Kakanj, broj: 04-18-8474/17 od 13.11.2017. godine, sa navođenjem uslova.

Općinsko vijeće dostavilo je Saglasnost – Odluku o davanju prethodne saglasnosti za dodjelu koncesije privrednom subjektu ZD RMU “Kakanj” d.o.o. Kakanj za istraživanje i eksploataciju sirovine uglja na području općine Kakanj, broj: 01/1-15-548/17 od 28.12.2017. godine, te Saglasnost – Odluku o izmjenama i dopunama Odluke o davanju prethodne saglasnosti za dodjelu koncesije privrednom subjektu Rudniku mrkog uglja “KAKANJ” d.o.o. Kakanj za istraživanje i eksploataciju uglja na području općine Kakanj, broj: 01/1-33-234/19 od 14.08.2019. godine, kojom se daje saglasnost za dodjelu koncesije na istraživanje i eksploataciju mineralne sirovine - mrkog uglja na području općine Kakanj, čime su stvoreni uslovi za procjenu javnog interesa.

U skladu sa zaključkom sa sastanka održanog 24.09.2019. godine u Uredu Premijera Zeničko-dobojskog kantona sa predstavnicima Općine Kakanj i Rudnika mrkog uglja “KAKANJ” d.o.o. Kakanj,



  
dana 23.10.2019. godine između Općine Kakanj i JP Elektroprivreda BiH d.d Sarajevo, Rudnika mrkog uglja "KAKANJ" d.o.o. Kakanj, zaključen je Sporazum o utvrđivanju, izvršavanju i realizaciji obaveza u vezi istraživanja i eksploatacije mineralne sirovine uglja na području općine Kakanj, te obavljanja koncesione djelatnosti i rudarskih radova od strane Rudnika mrkog uglja "KAKANJ" d.o.o. Kakanj.

Na osnovu pribavljene dokumentacije, Komisija za koncesije utvrdila je da za dodjelu koncesije na istraživanje i eksploataciju mineralne sirovine - mrki ugalj, na području općine Kakanj, postoji javni interes, uz obavezu koncesionara na ispunjenje uslova iz Odluke o izmjenama i dopunama Odluke o davanju prethodne saglasnosti za dodjelu koncesije privrednom subjektu Rudnik mrkog uglja "KAKANJ" d.o.o. Kakanj za istraživanje i eksploataciju mineralne sirovine uglja na području općine Kakanj, broj: 01/1-33-234/19 od 14.08.2019. godine, te je predloženo da Ministarstvo za privredu pokrene proceduru donošenja Odluke Vlade Kantona o pristupanju provođenja procedure dodjele koncesije za istraživanje i eksploataciju mineralne sirovine - mrki ugalj na pomenutom lokalitetu i po utvrđenim kriterijima.

Na osnovu toga Ministarstvo za privredu je predložilo, a Vlada Kantona donijela Odluku o pristupanju provođenja procedure dodjele koncesije za istraživanje i eksploataciju mineralne sirovine – mrkog uglja na području općine Kakanj, broj: 02-18-18233/19 od 12.12.2019. godine.

Shodno navedenoj odluci, Ministarstvo za privredu je raspisalo Javni poziv za prikupljanje ponuda za izbor najpovoljnijeg Ponuđača – koncesionara za dodjelu koncesije za istraživanje i eksploataciju mineralne sirovine – mrkog uglja na području općine Kakanj, koji je objavljen 31.12.2019. godine u listu "Oslobodenje".

Pristigla je jedna ponuda i to Rudnika mrkog uglja "KAKANJ" d.o.o. Kakanj.

S obzirom da je ponuđač, Rudnik mrkog uglja "KAKANJ" d.o.o. Kakanj, ispunio opće i posebne uslove, koji su navedeni u Javnom pozivu, Komisija je smatrala da su ispunjeni svi uslovi za nastavak procedure dodjele koncesije za eksploataciju mineralne sirovine - mrkog uglja na području općine Kakanj (Izveštaj Komisije o provođenju procedure izbora najpovoljnijeg ponuđača, broj: 04-18-8474-8/18 od 31.01.2020. godine).

Na osnovu svih podataka, Ministarstvo za privredu predložilo je Vladi Kantona da usvoji prijedlog Odluke o dodjeli koncesije. Vlada Kantona donijela je Odluku o dodjeli koncesije na istraživanje i eksploataciju mineralne sirovine – mrkog uglja na području općine Kakanj, broj: 02-14-2435/2020 od 14.02.2020. godine.

Zbog naknadno usaglašene, a neophodne izmjene Odluke koja se odnosi na činjenicu od kada se počinje računati vrijeme trajanja koncesije, na prijedlog Ministarstva za privredu, Vlada Kantona je donijela Odluku o izmjeni Odluke o dodjeli koncesije na istraživanje i eksploataciju mineralne sirovine – mrkog uglja na području općine Kakanj, broj: 02-14-10240/2020 od 18.06.2020. godine.

Koncesionar je prije potpisivanja Ugovora o koncesiji, između ostalog, dostavio:

- Uplatnicu za prvu ratu jednokratne (fiksne) koncesione naknade za istražno-eksploatacioni prostor u iznosu 30.668,60 KM (ukupno je 48 rata što ukupno iznosi 1.472.092,80 KM),
- Radi obezbjeđenja urednog plaćanja koncesione naknade, četiri ovjerene mjenice sa mjeničnim izjavama na iznos 800.000,00 KM.

Nakon obezbjeđenja svih navedenih uslova te pribavljanja mišljenja Kantonalnog pravobranilaštva na prijedlog Ugovora, broj: M-38/20 od 15.05.2020. godine, Ugovor o koncesiji zaključen je 28.12.2020. godine.

#### **"EASTERN MINING" d.o.o. Sarajevo**

Aktom, broj: 04-18-21389-1/13 od 11.02.2020. godine, Ministarstvu za privredu Zeničko-dobojskog kantona obratilo se privredno društvo „Eastern mining“ d.o.o. Sarajevo, za koncesiju za proširenje postojećeg koncesionog polja za istraživanje i eksploataciju olova, cinka, barita i pratećih plemenitih metala na području "Borovica-Semizova Ponikva", "Orti-Selište-Mekuše-Barice-Smajlova šuma-Maćak" i "Droškovac-Brezik", općina Vareš.

Ministarstvo za privredu ZDK uputilo je Zahtjev Općinskom vijeću Vareš, broj: 04-18-21389-1-3/13 od 11.03.2020. godine, za dostavu Saglasnosti Vijeća za proširenje koncesije na istraživanje i eksploataciju olova, cinka, barita i pratećih minerala na području "Borovica-Semizova Ponikva", "Orti-Selište-Mekuše-Barice-Smajlova šuma-Maćak" i "Droškovac-Brezik", općina Vareš.

Općinsko vijeće Vareš je dana 24.04.2020. godine donijelo Zaključak, broj: 01-42/20 kojim je dalo saglasnost za proširenje koncesije na istraživanje i eksploataciju olova, cinka, barita i pratećih minerala na području "Borovica-Semizova Ponikva", "Orti-Selište-Mekuše-Barice-Smajlova šuma-Maćak" i "Droškovac-Brezik", općina Vareš.

Ministarstvo za privredu je Rješenjem, broj: 04-18-21389-1-3/13 od 30.04.2020. godine i Rješenjem o izmjeni Rješenja, broj: 04-18-21389-1-3-1/13 od 03.06.2020. godine, imenovalo Komisiju za utvrđivanje javnog interesa i provođenje postupka izbora najpovoljnije ponude za dodjelu koncesije za istraživanje i eksploataciju mineralnog resursa na lokalitetu općina Vareš.

Komisija za koncesije utvrdila je, da za dodjelu koncesije na istraživanje i eksploataciju mineralne sirovine olova, cinka, barita i pratećih plemenitih metala na proširenom polju ležišta "Orti-Selište-Mekuše-Barice-Smajlova šuma- Maćak", "Droškovac-Brezik" i "Borovica-Semizova Ponikva", u općini Vareš, postoji javni interes, te predložila Ministarstvu za privredu Zeničko-dobojskog kantona pokretanje procedure donošenja Odluke Vlade Kantona o pristupanju provođenja procedure dodjele koncesije za istraživanje i eksploataciju na predmetnom lokalitetu i u skladu sa navedenim kriterijima.

Vlada Kantona je na 61. sjednici, održanoj dana 18.06.2020. godine, donijela Odluku o pristupanju provođenja procedure dodjele koncesije za istraživanje i eksploataciju mineralne sirovine olova, cinka, barita i pratećih plemenitih metala na proširenom ležištu „Orti-Selište-Mekuše-Barice-Smajlova šuma-Maćak”, „Droškovac-Brezik” i „Borovica-Semizova Ponikva”, općina Vareš, broj: 02-14-10241/20 od 18.06.2020. godine.

Na osnovu navedene odluke, Ministarstvo za privredu je u dnevnom listu „Oslobodenje“, dana 23.06.2020. godine, objavilo Javni poziv za prikupljanje ponuda za izbor najpovoljnijeg ponuđača, koncesionara, za dodjelu koncesije za istraživanje i eksploataciju mineralne sirovine olova, cinka, barita i pratećih plemenitih metala na ležištu „Orti-Selište-Mekuše-Barice-Smajlova šuma-Maćak”, „Droškovac-Brezik” i „Borovica-Semizova Ponikva”, općina Vareš.

Po objavljenom Javnom pozivu pristigla je jedna prijava, i to privrednog društva „Eastern mining“ d.o.o. Sarajevo. Komisija je predložila Ministarstvu za privredu da uputi Vladi Kantona prijedlog Odluke o dodjeli koncesije za istraživanje i eksploataciju mineralne sirovine olova, cinka, barita i pratećih plemenitih metala na ležištu „Orti-Selište-Mekuše-Barice-Smajlova šuma-Maćak”, „Droškovac-Brezik” i „Borovica-Semizova Ponikva”, općina Vareš ponuđaču koji se jedini prijavio i ispunjava sve uslove propisane Javnim pozivom, a to je „Eastern mining“ d.o.o. Sarajevo.

Vlada je, na prijedlog Ministarstva za privredu donijela Odluku o dodjeli koncesije za istraživanje i eksploataciju mineralne sirovine olova, cinka, barita i pratećih plemenitih metala na proširenom ležištu „Orti-Selište-Mekuše-Barice-Smajlova šuma-Maćak”, „Droškovac-Brezik” i „Borovica-Semizova Ponikva”, općina Vareš, broj: 02-14-14461/20 od 26.08.2020.godine.

Koncesionar je prije potpisivanja Aneksa na Ugovor o koncesiji, između ostalog, dostavio:

- Uplatnicu za jednokratnu (fiksnu) koncesionu naknadu za istražno-eksploatacioni prostor u iznosu 481.800,00 KM,
- Radi obezbjeđenja urednog plaćanja koncesione naknade, četiri ovjerene mjenice sa mjeničnim izjavama na iznos 3.120.000,00 KM.



Nakon obezbjedenja svih navedenih uslova te pribavljanja mišljenja Kantonalnog pravobranilaštva na prijedlog Aneksa na Ugovor, broj: M-88/20 od 27.11.2020. godine, Aneks V na Ugovor o koncesiji zaključen je 03.12.2020. godine.

## 2.2. Dodjela koncesija u postupku

Intenzivne aktivnosti su vođene u postupku pripreme dodjele koncesije za eksploataciju uglja u Gradu Zenica, te po osnovu samoinicijativnih zahtjeva za dodjelu koncesije na području općine Vareš.

**RMU "BREZA" d.o.o. Breza**

**RMU "ZENICA" d.o.o. Zenica**

Ministarstvu za privredu Zeničko-dobojskog kantona, krajem 2017. godine, obratili su se privredni subjekti RMU "ZENICA" d.o.o. Zenica, RMU "KAKANJ" d.o.o. Kakanj i RMU "BREZA" d.o.o. Breza, zahtjevima za dodjelu koncesije za istraživanje i eksploataciju mineralne sirovine uglja na području Općine Kakanj, Općine Breza i Grada Zenica. Sa RMU „Kakanj“ d.o.o. Kakanj je dana 28.12.2020. godine zaključen Ugovor o koncesiji.

U skladu sa Zakonom o koncesijama-Prečišćeni tekst ("Službene novine Zeničko-dobojskog kantona", broj: 5/03), osnovni akt za procjenu postojanja javnog interesa (analizira se koncesioni projekat sa aspekta uravnoteženog regionalnog razvoja, ekonomskog, sociološkog, ekološkog, uređenja i korištenja prostora na kome se realizira projekat), od općinskih/Gradskog vijeća zatražena je Saglasnost za dodjelu koncesija.

Imajući u vidu daljnje vođenje postupka dodjele koncesije, a u skladu sa članom 1. Zakona o dopunama Zakona o koncesijama ("Službene novine Federacije Bosne i Hercegovine", broj: 61/06) i članom 8. Zakona o koncesijama-Prečišćeni tekst ("Službene novine Zeničko-dobojskog kantona", broj: 5/03), Ministarstvo za privredu obratilo se Načelniku i Općinskom vijeću Breza, te Gradonačelniku i Gradskom vijeću Zenica, Zahtjevima za davanje Saglasnosti Vijeća za dodjelu koncesije za eksploataciju uglja na područjima navedene općine/grada.

Saglasnost općinskog vijeća predstavlja polazni osnov Komisiji za koncesije za procjenu postojanja javnog interesa, što je prvi uslov za donošenje Odluke Vlade Kantona o pristupanju provođenja procedure dodjele koncesije.

Sve donesene saglasnosti sadrže određene elemente koje je nužno usaglasiti između aktera u postupku, uz uvažavanje zakonskih propisa, kao što su:

- koordinate prijelomnih tačaka istražno-eksploatacionog polja razlikuju se u studijama ekonomske opravdanosti dodjele koncesije i zahtjevima za dodjelu koncesije;
- zahtjevi koji se odnose na studije ekonomske opravdanosti dodjele koncesije, vezani za definisanje istražno-eksploatacionog polja vezani za proširenje, isknjiženje područja iz granica odobrenog eksploatacionog polja, obaveze rekultivacije eksploatisanog prostora;
- postupci koji su propisani drugim zakonima, a koje će koncesionar imati obavezu realizovati kod pribavljanja svih relevantnih dozvola za istraživanje i eksploataciju u istražno-eksploatacionom polju nakon sticanja prava služnosti, odnosno potpisivanja koncesionog ugovora.

U saglasnosti vijeća su navedeni i određeni uslovi koji se tiču realizacije drugih projekata, kao što su:

- Poduzimanje hitnih mera i aktivnosti (odmah) na sanaciji klizišta,
- Izgradnja asfaltnih saobraćajnica,
- Izgradnja transportnih saobraćajnica za ugalj,
- Izgradnja postrojenja za tretman industrijskih otpadnih voda i dr.

Bitno je imati u vidu činjenicu da su elementi sadržaja Ugovora o koncesiji zakonom propisani i njime se uređuju međusobni odnosi, te prava i obaveze između koncesora i koncesionara.

Realizacija drugih projekata može biti predmet ugovora sklopljenog između zainteresovanih strana, odnosno između jedinice lokalne samouprave (JLS) i rudnika, a ne između koncesora i koncesionara.

Imajući u vidu prethodno, općinsko i Gradsko Vijeće, načelnik općine i Gradonačelnik Grada, u saradnji sa rudnicima trebaju usaglasiti međusobne zahjeve, da bi se moglo pristupiti nastavku postupka dodjele koncesije.

U cilju nastavka provođenja procedure dodjele koncesije, od učesnika u postupku očekuje se slijedeće:

1. Od Općinskog/Gradskog vijeća davanje Saglasnosti za dodjelu koncesije za istraživanje i eksploataciju uglja, bez dodatnih zahtjeva prema koncesoru ili koncesionaru,
2. Od rudnika da dostave Dopunjene (usaglašene sa jedinicom lokalne samouprave) Studije ekonomske opravdanosti dodjele koncesije za eksploataciju mrkog uglja,
3. Da Općina/Grad i rudnici uredi posebnim ugovorima realizaciju drugih projekata.

Bitno je napomenuti da su pokrenute tužbe zbog nastanka navodne štete po budžete općina, odnosno zbog nepotpisivanja koncesionih ugovora sa RMU „Breza“ d.o.o. Breza gdje je tužitelj Općina Breza (cca 20,3 miliona KM), a tuženi: 1. RMU “Breza” d.o.o. Breza, 2. Zeničko-dobojski kanton i 3. Federacija BiH.

Općinsko vijeće Breza je dana 28.01.2021. godine donijelo Zaključak, broj: 01/1-02-132/21 da se odustane od pokrenutih postupaka po tužbama pokrenutih protiv RMU „Breza“ u Brezi, Zeničko-dobojskog kantona i Federacije BiH. Bitno je napomenuti da je u članu 2. Odluke o davanju prethodne saglasnosti na dodjelu koncesije za istraživanje i eksploataciju mineralnog resursa-uglja na području Općine Breza, broj: 01/1-02-480/18 od 27.02.2018. godine naveden uvjet da Rudnik mrkog uglja „Breza“ i općina Breza sporazumno riješe otvorena pitanja koja se odnose na:

- provođenje Prostornog plana općine Breza i izmjena i dopuna Prostornog plana;
- osposobljavanje i zaštita putne komunikacije Izbod-Koritnik tzv.“sarajevski put“ na lokalitetu PK Koritnik;
- zaštita primarnog cjevovoda vodovoda Izbod-Koritnik;
- druga pitanja koja su u zajedničkom interesu ZD Rudnik mrkog uglja „Breza“ i općine Breza.

Zbog pokrenutih sudskih postupaka kao i uvjeta koji je naveden u saglasnosti Općinskog vijeća Breza, nisu preduzimate dalje aktivnosti u postupku dodjele koncesije dok se ne riješe navedena dva pitanja. Aktivnosti su nastavljene u 2021. godini i iste će biti detaljno opisane u Informaciji za 2021. godinu.

Nadalje, bitno je spomenuti da je, u cilju olakšavanja uslova dodjele koncesije rudnicima mrkog uglja, na prijedlog Ministarstva za privredu, Vlada Kantona na 170. sjednici, održanoj dana 22.11.2018. godine, donijela Odluku o izmjenama i dopunama Odluke o utvrđivanju minimalnih naknada za koncesije, broj: 02-14-17397/18 od 22.11.2018. godine.

Na ovaj način su kreirane realnije pretpostavke za izmirivanje koncesionih naknada za istraživanje i eksploataciju uglja u Kantonu.

U pogledu zahtjeva RMU “ZENICA” d.o.o. Zenica, Komisija za procjenu javnog interesa te provođenje postupka dodjele koncesije za istraživanje i eksploataciju mineralne sirovine uglja na području grada Zenica je dana 13.03.2020. godine održala sastanak na kojem je sačinjen Zapisnik, broj: 04-18-8463-6/17 u kojem je nakon pregleda dostavljene dokumentacije od strane RMU “ZENICA” d.o.o. Zenica te saglasnosti i izmjene saglasnosti od gradskog vijeća Zenica konstatovala da je neophodno da se prethodno preciziraju pojedine stavke, kao npr. vrijeme trajanja koncesije koje je u dostavljenoj Studiji

*Handwritten initials: M, K, S*  
naznačeno u trajanju 5 godina, zatim različite površine eksploatacionih polja u dostavljenim dokumentima itd.

Intenzivnije aktivnosti na postupku dodjele koncesije RMU "ZENICA" d.o.o. su preduzete u 2021. godini što će biti detaljno navedeno u Informaciji za 2021. godinu.

#### **"SEVEN PLUS" d.o.o. Sarajevo**

Aktom, broj: 04-14-02277/20 od 13.03.2020. godine, Ministarstvu za privredu Zeničko-dobojskog kantona obratilo se privredno društvo "SEVEN PLUS" d.o.o Sarajevo, zahtjevom za dodjelu koncesije za istraživanje i eksploataciju hroma na području Duboštica-Tribija, općina Vareš.

Ministarstvo za privredu ZDK uputilo je Zahtjev Općinskom vijeću Vareš, broj: 04-14-02277-2/20 od 23.03.2020. godine, za dostavu Saglasnosti Vijeća za dodjelu koncesije za istraživanje i eksploataciju hroma na području Duboštica-Tribija, općina Vareš.

Ministarstvo za privredu je Rješenjem, broj: 04-14-02277-3/20 od 30.04.2020. godine i Rješenjem o izmjeni Rješenja, broj: 04-14-02277-3-1/20 od 03.06.2020. godine, imenovalo Komisiju za utvrđivanje javnog interesa i provođenje postupka izbora najpovoljnije ponude za dodjelu koncesije za istraživanje i eksploataciju rude hroma na području Duboštica-Tribija, općina Vareš.

Komisija za koncesije utvrdila je, da za dodjelu koncesije za istraživanje i eksploataciju rude hroma na području Duboštica-Tribija, općina Vareš postoji javni interes, te je predloženo da Ministarstvo za privredu pokrene proceduru donošenja Odluke Vlade Kantona o pristupanju provođenja procedure dodjele koncesije za istraživanje i eksploataciju rude hroma na pomenutom lokalitetu i po utvrđenim kriterijima.

Vlada Kantona je na 61. sjednici, održanoj dana 18.06.2020. godine, donijela Odluku o pristupanju provođenja procedure dodjele koncesije za istraživanje i eksploataciju rude hroma na području Duboštica-Tribija u općini Vareš, broj: 02-14-10242/20 od 18.06.2020. godine.

Na osnovu navedene odluke, Ministarstvo za privredu je u dnevnom listu „Oslobodjenje“, dana 06.07.2020. godine, objavilo Javni poziv za prikupljanje ponuda za izbor najpovoljnijeg ponuđača, koncesionara, za dodjelu koncesije za istraživanje i eksploataciju rude hroma na području Duboštica-Tribija u općini Vareš.

Po objavljenom Javnom pozivu pristigla je jedna prijava, i to privrednog društva „SEVEN PLUS“ d.o.o. Sarajevo. Komisija je predložila Ministarstvu za privredu da uputi Vladi Kantona prijedlog Odluke o dodjeli koncesije za istraživanje i eksploataciju rude hroma na području Duboštica-Tribija u općini Vareš ponuđaču koji se jedini prijavio i koji ispunjava sve uslove propisane Javnim pozivom, a to je „SEVEN PLUS“ d.o.o. Sarajevo.

Vlada je, na prijedlog Ministarstva za privredu donijela Odluku o dodjeli koncesije za istraživanje i eksploataciju rude hroma na području Duboštica-Tribija, Općina Vareš, broj: 02-14-16626/20 od 12.10.2020. godine.

Daljnji postupak dodjele koncesije nastavljen je u toku 2021. godine.

#### **„TRIASSIC RESOURCES“ d.o.o. Sarajevo**

Aktom, broj: 04-14-5923/20 od 22.07.2020. godine, Ministarstvu za privredu Zeničko-dobojskog kantona obratilo se privredno društvo „Triassic Resources“ d.o.o. Sarajevo, za dodjelu koncesije za istraživanje ruda obojenih metala na lokalitetu „Saski do“, K.O. Planinica i K.O. Dragovići, općina Vareš.

Obzirom da u prilogu Zahtjeva nije dostavljen Elaborat, Ministarstvo za privredu Zeničko-dobojskog kantona zatražilo je od „Triassic Resources“ d.o.o. Sarajevo aktom, broj: 04-14-5923-1/20 od 04.09.2020. godine dopunu Zahtjeva i to dostavu dva primjerka Elaborata o istražnom prostoru „Saski do“ sa situacionom kartom razmjere 1:1000 sa jasno ucrtanim konturama zahtjevanog istražnog prostora omeđenog koordinatama prijelomnih tačaka kao i jednu elektronsku verziju Elaborata. Dana 17.09.2020. godine, dostavljena je Dopuna Zahtjeva, broj: 04-14-5923-1/20 od 16.09.2020. godine sa traženim priložima.

Ministarstvo za privredu Zeničko-dobojskog kantona zatražilo je od Općinskog vijeća Vareš Saglasnost za dodjelu koncesije za istraživanje ruda obojenih metala na datom lokalitetu, aktom, broj: 04-14-05923-3/20 od 02.11.2020. godine.

Daljnji postupak dodjele koncesije nastavljen je u toku 2021. godine.

### **3. KONCESIONE NAKNADE U 2020. GODINI**

Prema koncesionim ugovorima svi koncesionari su dužni izmirivati obaveze plaćanja kontinuirane koncesione naknade za korištenje predmeta koncesija u onom obimu u kojem su eksploatisali mineralne sirovine u određenom vremenskom periodu, a prema visini naknade koja je definisana koncesionim ugovorom.

Koncesionari koji, nakon dobivene dozvole za eksploataciju, nisu uspjeli eksploatisati niti minimalnu ugovorenu količinu, koja je definisana koncesionim ugovorom, dužni su platiti kontinuiranu koncesionu naknadu za ugovorenu godišnju minimalnu količinu mineralne sirovine.

Dešava se da pojedini koncesionari ne vrše redovno uplate, i to zbog situacije na tržištu ili unutrašnjih reorganizacija. Zbog toga i prenos sredstava jedinicama lokalne samouprave bude usporen. To utiče na ukupan iznos naplate u jednoj kalendarskoj godini. Najčešće pred sami kraj godine vrše se uplate pa se desi da je u jednoj godini uplata sredstava, a u drugoj kalendarskoj godini prenos sredstava općinama.

Vodi se uredna evidencija o ukupnom dugovanju svakog koncesionara i ukupan dug svakog koncesionara je kontrolisan. Nadalje, Ministarstvo je pooštrilo sve potrebne mjere na naplati koncesione naknade (protestiranje mjenica i pokretanje tužbi).

Međutim, u cilju približavanja zahtjevima i interesima i mogućnostima investitora Ministarstvo je razmatralo mogućnosti izmjene iznosa koncesionih naknada.

Na osnovu Zaključka Vlade, broj: 02-18-15930/19 od 25.10.2019. godine, Ministarstvo je Rješenjem, broj: 04-18-15930/19 dana 22.11.2019. godine, formiralo Interresornu radnu grupu sa zadatkom da:

- detaljnije razmotri visinu koncesionih naknada koje su propisane Odlukom o utvrđivanju minimalne naknade za koncesije („Službene novine Zeničko-dobojskog kantona“, broj: 6/13, 16/18) i
- nakon razmatranja i analiziranja iste, predloži odgovarajuće izmjene predmetne Odluke.

Imenovana Radna grupa je upoređujući metode utvrđivanja i obračuna, te iznose jednokratne i tekuće – kontinuirane – godišnje koncesione naknade u Zeničko-dobojskom kantonu sa postupcima i iznosima iz bližeg (Federalnog) i šireg (regionalnog) okruženja, konstatovala da su predloženi izmjenjeni iznosi koncesione naknade u Kantonu optimalno utvrđeni iz razloga što su konačni iznosi naknada prosječni, s tim što su metode utvrđivanja jednostavnije i transparentnije u odnosu na druge.

Pošto je Interresorna radna grupa izvršila zadatak i pripremila prijedlog izmjena iznosa koncesionih naknada, Ministarstvo za privredu je uputilo prema Vladi Kantona Prijedlog Odluke o izmjenama



koncesione naknade što je Vlada i usvojila Odlukom o izmjenama Odluke o utvrđivanju minimalnih naknada za koncesije, broj: 02-11-6038/20 od 30.04.2020. godine. Efekat donošenja predmetne Odluke može se vidjeti u broju zahtjeva za dodjelu koncesije koje je Ministarstvo za privredu zaprimilo u 2020. godini.

Po osnovu jednokratne koncesione naknade u 2020. godini uplaćeno je ukupno **512.468,60 KM**.

Po osnovu kontinuirane koncesione naknade u 2020. godini uplaćeno je ukupno **1.281.103,63 KM**.

Upoređujući podatke iz prethodnih godina sa podacima za 2019. godinu, može se zaključiti slijedeće:

- Nastavljen je trend da privredni subjekti sa potpisanim koncesionim ugovorom, koji nisu vršili eksploataciju mineralnih sirovina u 2019. godini, nisu vršili eksploataciju niti u 2020. godini.

**Tabela 2. Stanje obaveza po osnovu koncesionih naknada za 2020. godinu za eksploatisane količine mineralnih sirovina shodno ugovoru o definisanim minimalnim obavezama i uplatama u 2020.godini**

Red.br	Koncesionar Datum ugovora	Godišnja ugovorom definisana minimalna obaveza /KM/	Stanje obaveza na dan 31.12.2020. godine(računajući minimalnu obavezu i uplatu za 2020.god) /KM/	Uplaćeno u 2020. godini /KM/
1.	“TRGOŠPED” d.o.o. Kakanj 01.10.2003.	33.000,00	27.348,98	22.731,02
2.	“LIBOS” d.o.o. Žepče 11.12.2009.	17.000,00	45.374,00	1000,00
3.	“SANEX” d.o.o. Breza 23.4.2007.	10.00,00	0,00	30.000,00
4.	“CESTING” d.o.o. Žepče 19.10.2009.	16.000,00	44.000,00	17.000,00
5.	“AMINA TRADE” d.o.o. Sarajevo 15.3.2004.	11.000,00	29.250,00	0,00
6.	“DIM KAMENOLOM” d.o.o. Žepče 30.1.2013.	17.222,00	109.194,91	0,00
7.	“RKB” d.o.o. Breza 1.10.2003. Raskinut ugovor (06.08.2019. godine), a potom je poslovni subjekt u stečaju	20.000,00	Stanje obaveza na dan 30.06.2019. godine iznosi 350.049,33 KM (osnovica + kamate)	45.000,00 (vansudska nagodba iznos: 407.828,03 KM)
8.	“BBM VAREŠ” d.o.o. Vareš 17.5.2002.	43.500,00	0,00	43.500,00
9.	“E&P” d.o.o. Zavidovići 26.4.2006.	37.500,00	37.500,00	9.375,00

Red.br	Koncesionar Datum ugovora	Godišnja ugovorom definisana minimalna obaveza /KM/	Stanje obaveza na dan 31.12.2020. godine(racunajući minimalnu obavezu i uplatu za 2020.god) /KM/	Uplaćeno u 2020. godini /KM/
10.	“MGV GRADNJA” d.o.o Zavidovići 22.5.2001.	28.000,00	-8.000,00 <i>Ne računajući sporne količine utvrđene kontrolnim mjerenjem 76.233,22 KM</i>	134.143,98 KM, Vodi se sudski spor radi spornih količina koje su utvrđene kontrolnim mjerenjem
11.	“IGM” d.o.o. Visoko 30.10.2001.	Nema ugovorom definisanu minimalnu obavezu. Stanje duga je po Zapisniku, broj:04- 34-6019-5-4/20 od 09.4.2021.godine	5.673,12 (IV kvartal 2020)	20.634,52
12.	“TVORNICA CEMENTA KAKANJ” d.o.o. Kakanj 12.9.2000.	Nema ugovorom definisanu minimalnu obavezu. Stanje duga je po Zapisniku, broj:5/20 od 09.4.2021.godine	148.730,44 (IV kvartal 2020)	468.893,30
13.	“ABLE INVESTMENT” d.o.o. Sarajevo 24.5.2016.	22.500,00	0,00	73.152,00
14.	“ŽGP” d.o.o. Zenica 28.8.2013.	38.800,00	0,00	99.708,06
15.	ZD RMU „ZENICA” d.o.o. Zenica 20.04.2010.	21.000,00	74.080,00	0,00
16.	„KOMGRAD – ZE” d.o.o. Zenica 17.12.2014.	33.620,00	44.439,00	0,00
17.	„GEOMET” d.o.o. Olovo 20.07.2012.	180.000,00	0,00	225.000,00
18.	“AB-TRANS” d.o.o. Tešanj 20.07.2020.	13.000,00 Trenutno u postupku dobijanja odobrenja za detaljna geološka istraživanja	0,00	0,00
19.	Rudnik mrkog uglja “KAKANJ” d.o.o. Kakanj 28.12.2020.	800.000,00	21.925,44	30.668,60
20.	“EASTERN MINING” d.o.o. Sarajevo 12.03.2013.	390.000,00 (osnovno polje gdje su jedino stečeni uslovi za naplatu kontinuirane naknade)	97.500,00	617.765,75
	<b>UKUPNO</b>		<b>677.015,89</b>	<b>1.793.572,23</b>

Red  
Obaveza  
Kakanj

*Handwritten signature*

Odredeni broj privrednih subjekata sa potpisanim koncesionim ugovorom, u toku 2020. godine nije vršio eksploataciju mineralnih sirovina. Ovakva situacija može biti posljedica više faktora, a neki od njih su:

- Došlo je do razlike u kvalitetu eksploatisanih mineralnih sirovina, tako da su se mnogo više potraživale i eksploatisale kvalitetne mineralne sirovine u odnosu na one sa lošijim kvalitetom;
- Lokacija (udaljenost) kamenoloma u kojem se vrši eksploatacija od većih privrednih centara (Sarajevo, Zenica, Visoko, Kakanj), te opterećenje cijene koštanja čvrste mineralne sirovine cijenom transporta. Sirovine nisu konkurentne cijenom u odnosu na bliže kamenolome kod kojih je cijena transporta niža;
- Vjerovatne unutarnje slabosti, što se posebno odnosi na „Libos“ d.o.o. Žepče, „Cesting“ d.o.o. Žepče, „Able Investment“ d.o.o. Sarajevo, „RKB“ d.o.o. Breza i „Amina trade“ d.o.o. Sarajevo.

#### **4. PRIHODI OD KONCESIONIH NAKNADA U 2020. GODINI**

##### **4.1. Prihodi od jednokratne koncesione naknade u 2020. godini**

Na osnovu zaključenih koncesionih ugovora sa “AB-TRANS” d.o.o. Tešanj, Rudnik mrkog uglja “KAKANJ” d.o.o. Kakanj i aneksa na koncesioni ugovor sa “EASTERN MINING” d.o.o. Sarajevo za proširenje istražno-eksploatacionog prostora u 2020. godini, ostvaren je prihod po osnovu jednokratne koncesione naknade u iznosu od 512.468,60 KM, kako slijedi:

- iznos od 33.000,00 KM - Koncesioni ugovor sa “AB-TRANS” d.o.o. Tešanj (prenos 70% općini je u 2020. godini, a uplata je izvršena 19.09.2019. godine),
- iznos od 30.668,60 KM - Koncesioni ugovor sa Rudnik mrkog uglja “KAKANJ” d.o.o. Kakanj (prva rata),
- iznos od 481.800,00 KM - Aneks Koncesionog ugovora “EASTERN MINING” d.o.o. Sarajevo.

##### **4.2. Prihodi od kontinuirane koncesione naknade u 2020. godini**

Ukupan priliv sredstava od kontinuirane koncesione naknade u 2020. godini iznosi 1.281.103,34 KM. Ovaj iznos se odnosi na uplate koncesionara shodno njihovim ugovornim obavezama.

##### **4.3. Ukupni prihodi od koncesione naknade u 2020. godini**

Ukupni prihodi od koncesione naknade u 2020. godini su jednaki zbiru:

- prihodi po osnovu jednokratne koncesione naknade	<b>512.468,60 KM</b>
- prihodi po osnovu kontinuirane koncesione naknade	<b>1.281.103,63 KM</b>
<b>UKUPNO</b>	<b>1.793.572,23 KM</b>

##### **4.4. Alokacija koncesionih naknada po općinama u 2020. godini**

Shodno Odluci Vlade Kantona, broj: 02-14-2098/13 od 24.01.2013. godine (“Službene novine Zeničko-dobojskog kantona”, broj: 1/13), o načinu rasporeda sredstava od koncesija, uplata koncesione naknade (i jednokratne i kontinuirane) dijeli se između jedinice lokalne samouprave na čijem području se nalazi koncesiono polje i Kantona i to u omjeru 70 % : 30 % (JLS : Kanton).

Ostvareni prihod po osnovu koncesionih naknada u 2020. godini iznosi 1.793.572,23 KM i izvršena je alokacija prema jedinicama lokalne samouprave na čijoj teritoriji se realizuje koncesioni projekat.

U budžetskoj 2020. godini, prema podacima Ministarstva finansija, uplaćeno je na ime jednokratne i kontinuirane koncesione naknade 1.793.572,23 KM, od čega je alocirano općinama/gradu 1.255.500,50 KM i Kantonu 538.071,70 KM.

OPĆINAMA (JLS): iznos 1.372.273,30 KM  
KANTONU: iznos 588.117,21 KM  
**UKUPNO 1.960.390,01 KM**

*redijh*  
*John*  
*Kud*

**Tabela 4. Alocirana sredstva koncesionih naknada prema JLS Kantona**

R. br.	OPĆINA	ALOCIRANA NAKNADA U 2019. GODINI /KM/	ALOCIRANA NAKNADA U 2020. GODINI /KM/
1.	ZENICA	162.568,00	69.795,64
2.	KAKANJ	242.733,13	459.277,87
3.	BREZA	31.500,00	72.206,40
4.	VISOKO	13.093,30	14.444,16
5.	ZAVIDOVIĆI	170.113,66	100.463,28
6.	ŽEPČE	31.570,00	12.600,00
7.	OLOVO	126.910,00	157.500,00
8.	VAREŠ	53.287,09	462.886,02
9.	TEŠANJ	0,00	23.100,00
	<b>UKUPNO</b>	<b>831.775,18</b>	<b>1.372.273,30</b>

## **5. RASHODI IZ KONCESIONIH NAKNADA U 2020. GODINI**

### **5.1. Program utroška budžetskih sredstava od koncesija za 2020. godinu**

Budžetom Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19), za realizaciju projekata Vlade koji se finansiraju iz prihoda od koncesija odobren je iznos 1.200.000,00 KM.

U skladu sa navedenim, Ministarstvo za privredu je donijelo Program utroška budžetskih sredstava od koncesija, usvojen Zaključkom Vlade Kantona, broj: 02-11-1598/20 od 30.01.2020. godine.

### **5.2. Realizovana sredstva shodno Programu utroška budžetskih sredstava od koncesija u 2020. godini**

U periodu I – XII 2020. godine, po Programu utrošena su sredstva u iznosu **12.788,77 KM**.

- 1) Sufinansiranje pripreme i izgradnje poslovnih zona na području Zeničko-dobojskog nije provedeno do sada u ovoj godini. Proglašavanjem pandemije Corona virusa u državi, obustavljene su mnoge aktivnosti Ministarstva, pa i ova, te su programi rada Ministarstva usmjereni očuvanju postojećih radnih mjesta u privrednim subjektima na području Kantona.
- 2) Za potrebe Komisije za praćenje realizacije ugovora o koncesijama, odnosno utvrđivanje eksploatisanih količina mineralnih sirovina u 2020. godini utrošeno je **8.038,57 KM**.
- 3) Za geodetsko snimanje i obračun otkopanih i odloženih količina mineralnih sirovina na kamenolomima koncesionara (kontrolna mjerenja Ministarstva koja provodi angažovanjem nezavisne geodetske licencirane kuće), utrošeno je **4.750,20 KM**,

Dakle, u 2020. godini prema Programu utroška budžetskih sredstava od koncesija utrošeno je **12.788,77 KM**.

*Adem*  
*Sehmi*  
*Kant*

## 6. ZAKLJUČAK

Analizirajući podatke prethodnih godina, i upoređujući sa podacima iz 2020. godine, može se zaključiti slijedeće:

- nastavljen je trend da koncesionari koji nisu eksploatisali mineralne sirovine u 2019. godini, nisu vršili eksploataciju mineralnih sirovina ni u 2020. godini,
- nastavak izgradnje trase autoputa na koridoru V-C kroz područje Zeničko-dobojskog kantona trebao bi rezultirati povećanjem potražnje za proizvodima od mineralnih sirovina, što bi znatno poboljšalo stanje kod koncesionara,
- izmjenama Odluke o utvrđivanju minimalnih naknada za koncesije znatno se povećao broj zahtjeva za dodjelu koncesije u 2020. godini, te je doveo do potpisivanja novih koncesionih ugovora po osnovu kojih će se ostvariti priliv sredstava u budžetu Kantona po osnovu naplate kontinuirane koncesione naknade.



MINISTAR

*Zlatko Jelić*  
Zlatko Jelić

Obradili:

Vanja Udiljak, pomoćnik ministra *Udiljak*

Selima Bašić, šefica Odsjeka za koncesije i rudarstvo *Bašić*

Kemal Bjelić, stručni saradnik za koncesije *Bjelić*